



Extrait de la revue **SingulierS** du 2^{ème} trimestre 2008

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Rizêye

La muzike do Blanc Labé

Li Blanc Labé avot achté on tchfô addé Filipe Dèckèr a Bastogne. I lî avot vindu on tchfô k' avot travayi dins on carusèl. Cand il è rivnu a sa mâjon avou li tchfô, sa fame è dmandé si i savot travayi. Li Blanc Labé avot rèspondu ki tos lès tchfôs savint travayi.

Li landmwin, cand il è vlu aler fêt sès tchèrouwes, il è mon.né li tchfô pa la bride jusk' ô tchamp dvant d' l' atèler al tchèrouwe, pou kmincer a travayi. Li tchfô n' è nin vlu hatchi la tchèrouwe, min.me an lî dnant dès côps d' lignète. Gn-è rin ayu a fé.

Li Blanc Labé è stî addé l' vindeû ki lî è dit ki, come c' èstot in tchfô d' carusèl, k' i falot k' i djoûwe dol muzike po fé travayi li tchfô.

Il è stî dins one boutike po lès èfants achter one muzike a boutche divant d'rivnu a sa mâjon.

Li landmwin, il è mètu li tchfô al tchèrouwe, il è djouvé dol muzike èt li tchfô è hatchi la tchèrouwe. Mês si vite k' il arètôt d' djouwer, li tchfô s' arètôt. Insi, pa n'importe ké tins, k' i mon.ne a l' ansine ou bin k' i fâche, ou k' i rintère â foûr, li Blanc Labé deûjot djouwer dol muzike po fé travayi si tchfô.

Arthur SCHMITZ (Wardin)